山庫全幸

史部



The Line 大臣傅七十 物志八十五 郭世隆漢軍鑲紅旗人父洪臣原籍汾州順治二 年英親王阿濟格統師至九江收降明故將左良 旗通志卷二百五 郭世隆 黄廷桂 **動定八旗通志** 肯 張仲舉 黄 東郭 中世隆 £ 國哲 楝俪

福陵守兵赴訴其兄兔死事得誣良刑逼自縊狀原審侍 命赴盛京察審 Ŕ 盛京刑部凡已經告發事件執法結斷者甚少夤緣 員外郎二十五年雅監察御史二十七年 衆為佐領康熙四年世隆襲管佐領八年授禮部 王之子夢庚及部衆來京入旗洪臣與馬分轄降 四月白重 郎阿禮瑚及司員俱坐失實號革世隆還京玩言 和息者居多以故由直莫分刁誣愈織近有旗人 卷二百五

教嚴察私和之兩造及聽許部員完實情而肅法紀又 疏 The I had be die 盛京鳳凰城及山海關各設有迎送朝鮮貢使之五 護送料理食物夫役車輛迎送官實属贅設應行 守且既有通事官從鳳凰城随行至京沿途接兵 品官數員每逢貢使至以一員迎送此外别無職 늩 宜爾根控訴命案先經私和後復涉訟仍不審結 も 較足八旗通志

多分 四年全書 察嚴定處分其守口官員與山海關城守尉應每 裁法又疏言設官久任以其能熟悉民風土俗而 年更於以清弊源疏並下部議行又 縱奸民盜採山海闊又縱其私販宜分別故縱失 而京師及各省貨賣者不啻百倍皆由開原過口 容隱故弊竇彌多每年報部採復之数不及千的 採人後律有重典惟不肖官弁與好民熟習互相 去弊與利也若不肖之徒往往以久任滋弊如盗 卷二百五

命世隆往會督撫察審詢實萬世緯貪葵科派杖斃縣 孝陵過通州有陝西禮縣民訴知縣萬世緯知府紀元梦 謁 山海關官兵停止盛京將軍管轄降調現任城守尉照 國 史 論斬紀元受賄舉為卓異論統二十九年四月充 取 張家口例兵部選員更換十月握內閣學士是月 副總裁七月直隸巡撫于成龍內陸 狀 左都御史 尺

恩免錢糧侵隱入己 命世隆往世隆至則研訊司府州縣胥役數人得張仲奉 上遣郎中吳爾泰等往會總當與永朝勘訊既而 聞吳爾泰甫至即拘訊知府六人牵連州縣官數十人 鼓定四庫全書 孫鋪首福建巡撫張仲舉布政使張永茂催徵 與布政使張汧索取州縣賊冊窟改撤銷齊解批 以世隆代之先是户部奏鑲紅旗罷任安溪知縣 き二百五

補諸左証悉合遂先釋吳爾泰所拘之府州縣官 給永茂又令永茂加取各属齊解銀火耗代為彌 尚未補完復截留府州縣額支官俸役食今慶曾 張永茂抵任仲奉聞張汗在湖廣贓私敗露閩都 借部印領給按察使田慶曾令出結署藩司事及 湖廣布政使亦虧都相約互抵仲舉勒道府捏具 迎重造司冊侵隱已徵地丁額銀作民欠蠲免狀 又張汧陞湖廣巡撫虧部三十餘萬因仲舉前任 一位こう正元

|諭口凡接任好官者難于成龍居官甚好繼之不易爾係 切責吳爾泰認妄革去郎中發黑龍江効力世隆既下 **欽定四庫全書** 法司如擬行九月世隆将至巡撫任 茂科斂一萬七千餘两擬紋慶曾受賄二千二百 吏概免罪疏入 两擬徒各追脏入官被勒之属員及改造冊檔書 贓 回 任窮詰仲舉永茂慶曾各語塞并孫鏞控列 亦勒實仲舉侵那二十六萬三千餘两擬斬永

古簡授 部世隆履勘撫綏世隆察奏七十四州縣本年及來年額 一是其言下部從之是年順天保定真定水平諸属夏早 有才之人當勤謹任事三十年二月疏言直隸守巡二 秋水 賦 改部選為請 道分管通省錢糧刑名與各省布按两司無異應 分别蠲緩其受灾較重之霸州文安大城永清

諭詳籍積貯之務既言荒歐之歲以每州縣飢民萬口為 欽定四庫全書 率大口四合小口二合按名服給有五六千石之 常平倉米今歲平報六十三萬二千石有奇例應 真定井陸獲鹿元氏替皇高邑臨城行唐靈壽寧 糧可供半年之食今直隸捐納米穀一百三十萬 晉十四州縣發賑四月又遵 四千石小者存三千石点可隨時變通眼濟荒敷 石有奇應均撥收貯州縣大者存五千石中者存 銀定八雄通志

教山海關但禁大車裝載暫聽旗人民人看挑聽負進關 て・レマーレ とこい 餘請 歲內買補恐米價因之益昂應展限來歲五月其 轉耀則永平等處米價可以漸平玩下部議自三 撥應貯之州縣收倉庶杜推該疏下部從之三十 原報之州縣官雖有陞遷事故亦令本員買還以 月至八月如所請行十一月疏言宣化向設鎮道 一年二月疏言奉天所属州縣連年大有米穀贏 欽定八旗通志

上是其言令世隆分晰定擬尋奏改宣化衛為宣化府附 動好四年全書 貳管衛皆属武弁政多杆格宜裁六廳十衛改設 懷安縣蔚州衛為蔚縣龍門衛為龍門縣懷來衛 郭前衛為宣化縣萬全右衛為萬全縣懷安衛為 及十衛六廳與各營分理錢糧驛務處員限于佐 縣三十二年四月以真定路當孔道地方遼潤自 為懷來縣赤城堡為赤城縣順聖川西城為西寧 府八縣

|古販濟平輕其大城縣趙扶村之南限青縣之楊村限至 Rala in little 定营选擊移駐龍泉關三十三年四月以霸州等 等官分撥汎防以龍泉關恭将移駐紮荆闢以真 真定酌調各營馬步兵二千添設守备千總把總 裁去總兵後分防弁兵甚少奏移紫荆國副将 東子牙限雄縣蒲淀五官淀之東限請即修築又 處因于牙河堤決田畝被淹已遵 黑龍港河及王家口久經米塞請開沒深通得 シ/ 我定八旗通志

|古俞允三十四年二月擢関浙總督三十五年五月疏 金只四月白書 徴 閩 城外之關于鎮海縣增設紅毛館以便洋船質 不時之需三十六年浙海關監督李雯請移寧波 世隆言鎮海軍寧波僅六十餘里洋船既至鎮海 三十萬两以為協的侯民力稍舒微補存貯以 今雨澤愆期民間荒敗難以惟微請撥都省部 省兵的歲需銀一百三十四萬两有奇本省 僅一百萬兩有奇向皆撥用 7 卷二百 £ 雜稅及浙 江協 言 備 額 銀 餇

落地塩稅為派引徵課又加引七縣行益恐將來 為便次年又疏言泉州府向徵落地塩稅銀一千 即可直抵府城移關設館于商民無所利益仍德 年七月疏言粤東自南與起經碣石鎮至虎門 新引壅滞益價日昂有累民户請仍循定例疏並 五百九十两有奇所属七縣派引行益徵課五千 下部議從之四十一年十月調两廣總皆四十 五百八十两有奇若依巡益御史鍾申保所奏改

欽定四庫全書 總把總統之駐劉硇洲改為硇洲營白錦寨即以 宜以龍門協所属之乾體管兵令白傷寨守备干 海口從前止設千總一員應以鎮左管移駐與碣 石 海門所守備移為遠濠管守備甲子一所乃除要 達濠營遊擊守备千總把總駐劄改為海門營以 澳之澄海協以資巡防海門一所最為緊要應移 海面二千餘里守汎遼潤請增設兵船于通對南 鎮聯絡防守吳川管隔海百餘里有硇洲一島 金月八分迎た

左營為平海營右營為大鵬營下部議如所請四 防兵可裁去總兵官止留遊擊為順德管改鎮標 管其順徳一鎮外有香山虎門二協內有省會駐 千總管領至平海大鵬二所逼近巨海應專設二 巡哨副将恭將遊擊每月會巡一次水師總兵於 船兵自南澳至龍門令守倫千總把總逐日帶領 十三年四月疏言前奏添造戰船俱經報竣設立 春秋季駕船二十分巡外洋至瓊州上年十一月

|古遣刑部侍郎常殺往勘覆奏蔡王也等五人應立斬部 欽定四庫全書 賊 職於是罷任四十六年六月起授湖廣總曹四十 議世隆平時禁我不嚴及事發又朦朧掩飾應革 聚眾切掠商船今已擒獲分别定擬斬流得 六斗頭角海面沈賊船一瓊南萬崖二處海面沈 七年十二月條奏防守紅苗三數一沿邊安設塘 至今年二月先後擊敗賊衆於沱海外洋沈賊船 船二四十五年五月玩報海洋巨盗蔡王也等 銀定ハ前 通志

密難於瞭望應酌撥鎮草兵八百名另設四营分 內地民往苗叢每滋事端令以塘沢為界址苗除 駐每日派官一員帶兵五十名遊巡一舊日苗來 **汎已經周密惟盛華哨起至鎮溪所一帶山高箐** 部議從之四十九年六月既刻祭告南嶽之翰林 勾通為匪不可完詰嗣後如有前弊應新雜異下 塘汛之外違者治罪一內地奸民與苗人結親至 納糧買賣外不得檀入塘汛之內民亦不得擅出 ■/ 段正/海面お

首降陳壮履為編修十月世隆內遷刑部尚書五十年十 萬壽慶典復原品五十五年九月卒年七十有二後祀直 多定匹库全書 索取州縣口糧到掠商買財物世隆前任總當不 月以山西太原流匪陳四等六十餘人携婦女數 院侍讀學士陳壮履繞道嘉魚滋擾驛站得 十乗馬蘇由湖北往湖南貴州說稱赴雲南開墾 即察完縱容滋蔓華職罷任五十二年三月遇 福建浙江廣東廣西湖廣名官 卷二百五

東 副 兵十五年八月以舉首偽将軍高得捷逆書欽功 隨大軍出征江西十四年授都首会事任南赣總 熙十一年遷中城御史十三年六月因吴逆之亂 哲爾肯漢軍鑲紅旗人由佐領授刑部員外郎康 加都當同知十一月敗賊於九沒水擒斬偽總兵 從逆提首嚴自明總兵張星耀逼南康縣哲爾 将又敗之南康縣復潭鋪斬首千餘十二月廣 哲爾肯 一次五八年前上的

聞十七年正月與舒恕遣官於江廣文界之九鄉抬無偽 命哲爾肯與總督董衛國分佈防禦負情形不時奏 首與叙十六年四月 一以大軍攻圍長沙吳逆躬感欲往衙州處其侵犯翰州 多段四年全書 均得 吉安等處分我兵勢 肯與将軍舒恕斬賊萬餘破其營十七賊通南安 紀兵賴榮等十七員兵萬餘又遣遊擊楊以松敗

上可其奏並 上命哲爾肯任之八月號言臣駐海州三合嘴弹壓两江 往南寧會同将軍恭依圖相機剿無 賊於鸕鷀塞斬偽副将等十餘斬獲八千有奇叙 為粵西藩籬今逆賊苗蠻壩聚負固臣請統兵先 接應大兵但慶遠太平思思三府逼交趾接雲貴 復設廣西提督 功加左都督十八年二月两廣總督金光祖疏請 女三 九五

古裁汰但僻處深山必得官兵弹壓令酌撥潯協守备 古從寬留任戴罪圖功二十一年疏言懷集營兵業經奉 |諭原駐之三合嘴倘属緊要可發兵汎守十月疏報泗城 一敏定四庫全書 尚之信結親部議革職得 馬甚多請改為步八馬二從之十九年因與逆藩 提標設兵舊制馬一步九今廣西餘孽未靖需戦 土知府容繼禄向化歸誠下部知之十一月疏言 兵三百佈防歸海州副将無轄下部議行二十 多りまれるこれ

賜祭葵如例題請入祀江西名官祠 古揀發福建署泉州府知府三月海賊張七糾衆數千夜 年卒於官 康熙十六年正月奉 張仲舉漢軍鑲紅旗人由筆帖式任通政司知事 馮昭京等大敗賊生擒張七八月山飛朱寅結 犯新西北三門好民啟之入仲舉率家丁同副 張仲舉 沙主/進通志 海 浒

允之十七年正月康親王傑書令仲舉往諭鄭錦降錦不 欽定四庫全書 逆鄭錦偽将軍李復貴等犯南安仲奉隨副都統 畫夜嬰城固守两月餘會大軍克與化漳州寧海 澄長泰圍泉州仲舉親冒矢石出家資鑄械將軍 役且遣偽總首劉國軒偽提首吴淑何佑等陷海 授泉州府知府 軍師林日向等十月總首即廷相請即以仲舉補 楊鳳翔提督段應舉剿殲賊衆生擒寅復責及偽 卷二百五

一つこう。 たこう 疑定八班通志 部有之二十年仲舉隨典祚復厦門金門再選山東按察 武将軍林盛據東石康親王檄仲舉取賊船從水 吴典祚表上守城功程典泉道十八年錦遣偽右 将軍喇哈達率兵抵安溪賊始解圍去十月巡撫 舉為官平常不應保九衛因刻朝葵不早言 詞保仲舉畫題時御史唐朝葵曰我関人也知仲 路會駒大軍逐復東石十九年江西按察使缺員 九鄉會推左通政張可前大理寺少鄉張永祺合

賜額得 | 親奏言宋偶周敦頤程韻程頤張載印雅朱熹各有專祠 御 古前哲有功聖學允宜表彰 書學達性天額 發各有及白鹿洞綠麓兩書院四月雅福建巡撫二十 使二十二年遷湖南布政使二十五年三月入 六年疏言臺灣設府縣學應考人數無多未便照 卷二百

とこうる という 交累請即歸漳平徵收九月又言臺灣十管兵米 内地額請府學量設原增各二十名縣學各十名 每年約三萬六千石現存栗僅支五月旱蝗為災 漳州所属龍巖與漳平界連向因龍巖地廣将田 乏食可處請酌撥司谷三萬兩就產米處所買貯 百二十餘頃撥隸漳平其糧轉付嚴户代納官民 俟人才漸盛補照直省額麇生出貢自康熙二十 七年始照例舉行部議徒之二十七年二月疏言 明/ 钦定八旗通志 +

金欠で見 買其二萬俟文到日再撥俱下部議行二十八年 備 買偽錢銷燉部議均如所請六月疏言番民以捕 請免繳仍禁增制又言臺灣所用明桂王偽號錢 不可無資請視船大小酌带六桿四桿再臺灣掛 甚多若一時全禁貧民無以為資請開爐鼓鑄 民資生納的均藉捕鹿有用竹弓箭及鳥鎗者應 三月疏言民間例禁私藏鳥鎗但航海商船防護 給候部文動於實恐遲誤謹先發司都一萬採 白量 卷二百

部議以與販既停鹿皮将售何處恐地方官借以 民乏日用資且彼此攘奪易滋擾請仍禁止事下 興販前禁頓弛兵民持械四出鹿靡了遺不但番 籍向社商等易布及米益社商按季納的今既停 鹿資生前因東洋與販禁兵民捕獵惟番民得捕 圖 生納課隨處皆可轉售有司實因社的起見並非 自利今總督興永朝確查永朝覆奏番民捕鹿資 利請如仲舉議 ●/ 敏定八旗通志 +

允之九月號言福清縣三面臨海民皆壩海為田自海飛 聲明荒陷無徵確數今逐畝清丈計缺額糧銀九 康熙五年聞省清丈田畝止及界內應将界外補 慮缺額未豁不敢來歸良田盡成荆棘請将無田 千九百九十餘兩米三百四十石有奇復業之民 行清丈下部議以福清墾三千六百六十餘頃户 之糧豁免又沿海各州縣田多未望保無隱匿查 不靖民窟堤壞沃産化為海國前縣冊報時未經 五

肯允行二十九年正月疏言宋儒朱熹祖籍微州府之婺 炎王四重在馬 敏定八旗通志 亦應令永朝確查其界外田應否清丈并詳議嗣 於康熙二十六年起科並未題報缺額令請豁免 清亦應如仲奉議清丈得 永朝奏此項荒田實因前令鄧獻英将荒陷田畝 源熹父松官閩遂家馬故有閩綴二派令熹十 樊其沿海界外田自遷棄以來閱年既久界址混 統報墨數及額賦無徵始報明實無欺隱邀豁等

遣吏部即中吴爾泰同典永朝勘訊既而 諭口吴爾泰乃一司官将此事妄為張大亦未可定者内 聞吳爾泰南至即速訊知府二及州縣官數十 閣學士郭世隆前往詳訊尋訊得仲舉與前布政使張 使張永茂侵蝕庫谷六月 先是安溪革職知縣孫鏞赴部首告仲奉及布政 分主犯事請即令潔承襲主聞派犯下所司議行 世嫡孫藻籲請承襲查明代原有五經博士二員 4 5 たこりを ALS 敗鬪部尚未補完復截留府州縣額支官俸役食 隱已徵地丁額銀捏作民欠汗遷湖廣巡撫虧都 汧索州縣賦冊寬改擬銷齊解批迴重造司冊侵! 代為彌補仲舉共侵挪銀二十六萬三千餘两依 令慶曾給永茂又令永茂加取各属齊解銀火耗 令出結署事及永茂受代仲舉聞汗在湖廣以賦 互抵仲舉勒道府具借帑印領給按察使田慶曾 三十餘萬因仲舉前任湖南布政時亦虧移相約

諭肯必由內閣發科抄然後施行惟緑頭牌揭子口傳 金云で母る重 言各部院具題事宜奉有 吏部郎中四十年授監察御史四十一年五月玩 式康熙二十年授山東范縣知縣二十八年遭貴 黃東中漢軍鑲紅旗人初由庭監生任兵部軍帖 律擬斬監候尋病殁 州熟西州知州尋內随刑部員外郎三十四年遷 黄東中 y 卷二百五

諭吉即行不由內閣不發科抄日後無役查考請嗣後於 初令更正俱發內閣登記以備稽核又欽奉清字 御覽如偶有錯誤 諭古各衙門譯漢奉行恐字句亦有未符宜令原奏官員 諭古移送内閣封呈 古遵行後即録原奏並所奉 7.13.4 /2.5 送內閣緒譯遵照傳抄疏入下部確議部臣以事 奉 校定八旗通艺

|古凡口傳諭古及緑頭牌相子放奏事件著各衙門於每 上閱奏 月終彙開奏覽四十四年二月疏言科道官由滿洲漢 銀穴四庫全書 涉繁瑣議駁得 後行取知縣先以六部主事用俟練習有年始許 軍性補者大抵積俸二十餘年漢人一為知縣俸 滿三年行取到部即得考選科道殊覺太縣請 卷二百五 嗣

諭大學士日御史黃東中條奏行取知縣即補科道未免 命往同巡撫賬飢十二月授浙江巡撫四十八年七月疏 太過此言誠當下九卿詹事科道會同確議議如所請 7. 13 1 1:11 内閣學士值浙江水災 者為例六月運內閣侍讀學士四十七年十月雅 言寧波紹典等處連歲數收米價騰貴計惟招商 商民由內洋販運以濟寧紹從之四十九年署總 可平而温台二府豐收米賤格於出洋之禁請許 製定八頃面志

上命遣部院賢能司官一員往會巡撫将軍副都統至都 都司已槍刺殞命而兵丁無一損傷顯有隐報情 部 率兵搜勒遇盗六七十人抵拒朝臣被槍刺腹死 督事同提督王世臣玩報盗封龍游縣村在為官 弊 随有金衢两協官兵齊至捕盜斬殺殆盡玩下兵 兵追逐逃至遂昌縣山中處州右營都司張朝 議部臣言盗夥六七十人非尋常盗案可比且 臣

多只四年全書

卷二百五

ここここ 命降五級戴罪圖功九月調福建巡撫五十年六月同總 上以東中前此奏報不實 藥發焚死部議張朝臣張斌潘文彩予邺如例珠 察爾欽等會勘奏言隨張朝臣之兵丁張斌同時 防及救援不力隱匿不報各官治罪有差東中不 陣亡潘文彩傷重致死並有鳥鎗兵五人因失火 司張朝臣陣亡處詳察情由議奏於是兵部郎中 察劾應降一級留任 1.35 シン 転定八旗通志 Ī

上口督無提鎮等平時不能無如百姓訓練兵丁及事出 多分で屋 避今數逾二千宣得謂百姓不廢耕織安居舊業乎明 安業凡强盜竊盜合彩至三四十人百姓尚且畏懼逃 搶奪又遲延日久始行奏聞反稱百姓不廢耕織照常 又不能相機即行勒撫総容賊盗滋蔓騷擾地方肆行 掩飾 千餘人搶掠永春德化漳平大田等縣居民入奏 督范時崇提督監理以泉州盗陳顯五等結彩 莊奏下部嚴察部議治罪革職有差 卢佳 卷二百五

命以子习河分司効力三年期滿直隸巡撫趙宏燮奏東 命革藍理職免治罪東中與范時崇免華職降五級戴罪 廷桂廷桂官至大學士世襲三等伯别有傳 原品五十七年五月卒長子廷鑑次子廷鈺三子 中自俗工料修防隄岸俱各稳固下部議散給還 改折漕糧事革任罰賠五十一年三月 **効力十月因前任浙江巡撫時不劾奏糧道陳鑾** 國棟

命為河南學政四年五月選光禄寺鄉十月 **致定四庫全書** Đ 講起居注官以國棟充補六月逐侍讀學士十一 吉士五十四年授檢討五十七年充會試同考官 王國棟漢軍鎮紅旗人康熙五十二年進士改庶 逾年遷國子監司業六十年授侍講尋轉侍讀雅 充會試同考官十月 月充廣東鄉試正考官二年六月授右通政八月 正元年三月充陝西鄉試正考官四月復設 きたり方言る

温 聞 聖訓首以尊親大義宣諭紳士懲頑抗以清積欠完包 特古授浙江觀風整俗使國棟抵任以浙江風俗澆鴻諸 一以浙 諭與之是年遷宗人府府丞五年二月 江被水米價騰貴 歷所至據實以 以警奸徒革虚胃以飭營伍嚴保甲以弭盗源巡 務廢弛仰遵 訟

諭日本欲令爾在浙整的數年以期成效但湖南廢弛日 上是其言五月推湖南巡撫 命國棟同巡撫李衛動帑銀四萬两于杭州嘉典湖州 一致定四庫全書 久急需治理今命爾巡撫其地勉之八月疏言督無 寧河於應濟太湖限開及嘉典石塘多坍應修理 府修城溶河築堤俾民傭食力國棟奏杭州至海 疏 但冬春雨雪多興工必過貴俟九十月水落再行 濬 差二百五

諭嘉國棟得治理寬嚴之要惟期實力行之時 上命湖廣總督邁柱會修兩省隄工國棟疏言長沙岳州 常德三郡逼近洞庭如湘陰巴陵華容安鄉澧州 吏去任者固不可法譽市恩新在者尤當加意整 居民恒于秋冬水涸時築隄堵水而耕但地勢早 武陵龍陽沅江益陽九州縣環繞大湖隄滕甚多 的風聲所播庶可令行禁止若意示寬大則吏治 必弛民情必慢事難整理 既定へ 凍通む 二十四

動穴四庫全書 請改所属澧州為直隸州轄石門慈利安鄉三縣 永定軍屯雜處文移每至籍遇有鞭長不及之慮 州府属遼潤中隔洞庭石門慈利俱係苗疆九谿 等與務期加高培厚工程堅固七年六月疏言岳 各官刻期完築此外除工次第典修更嚴禁包折 **禾淹沒民難安堵現有潰口四百餘處已飭水利** 改九谿永定二衛為一縣設知縣教諭訓尊巡檢 下每江漲水不能洩反灌入湖以致隄岸衝决田 老二百五

段價頂種之弊其科則輸賦較民田更重若 此點 錢官給照為業並推行各省七月國棟疏言湖南 未立賣券糧仍軍户者令頂種人納稅五錢給照 能勝應按各属屯糧全書分别差等其微價頂 價頂種易啟紛爭請彷民田一體買賣畝納稅五 各一員初愈都御史申大成奏點省軍田百姓賤 軍田府薄不比點省膏腴均與民田一例買賣無 稅五錢是合屯糧十餘年常賦之數斷非民力 しと、其前に

聞 上命刑部侍郎杭夹禄副都統海蘭至湖南偕國棟拘訊 敏 定四庫全書 鍾琪以 每兩稅三分諸疏並下部議行先是湖南靖州逆 陽武陵長靖諸屯田土下賦重應令售主按券價 為業如時價平買並非頂種糧未過割者照吃糧 犯曾静遣其徒張熙投逆書于川陝總督岳鍾琪 石稅五錢給照過割其已過割者稅二錢至龍 老二百五

音切責十月華職回京八年正月 **敕國棟提問亦不得證實九月降** 命辦理刑部右侍郎事十月充武會試副考官十一月署 灾王习 La La 數定八旗通古 陵州黨犯陳帝西傳播流言 國棟據曾静妄供並未完出黨羽又阿其那塞思 撫並查奏國棟稱湖南接解兵役未聞一語又茶 黑門下太監以罪徙廣西流言于路直隸河南督 山東巡撫國棟前任河南學政時薦教職申程章 主六

特音申程章以知州街授浙江海寧知縣後遷江蘇淮安 站國棟往查賬七月署江蘇巡撫尋署浙江巡撫十年仍 古寬留九年二月河南祥符封印等縣水災 善所糾部議國棟濫舉應革任得 十品俱優 通各倉十二年以與尚書福敏等議福建民藍厚 知府以許典商楊紀益商程星所贓為巡撫尹繼 回刑部侍郎任十一年偕尚書彭維新等精察京

音派充苦差十三年十月 教責其糊塗姑息下部嚴察部議降三級調用以國棟係 **東里田町主書** 命署刑部右侍郎十二月卒 康熙四十九年廷桂由監生襲曾祖憲章所遺雲 黄廷桂漢軍銀紅旗人父東中官福建巡撫有傳 革職留任之員無級可降應革任得 正殿斃胞兄事失當 黄廷桂 ₹/ 欽定八旗通志

弁督牧其附郭德殿追出募墾一士卒騎者宜禁 騎尉世職五十二年遷三等侍衛五十九年補恭 日繁槽致多贏現訪得豐樂場後荒山六十里派 現的確查修補一馬殿宜别建川馬本不高大又 川省三面環夷自平西藏青海後多缺額不堪用)1| 領雅正三年授直隸宣化鎮総兵五年二月權四 省自年養竟濫賞放縱至令習氣未除現筋服 提督六月疏陳營伍地方五事一軍械宜速製

一次之四事全事 數定八旗過志 古與總督岳鍾琪會商行十一月奏嚴緝竊賊及賭具 均成都属德陽仁壽二縣北南距數百里歸一把 點河西隸川兵民岐視非邊隘所宜奉 總駐防永寧協駐貴州永寧縣城中隔河河東隸 名口方許至内地形跡可疑者查禁一汎守地宜 生熟養蜜至內地傭工名為下壩次年夏初始歸 近禁携婦女隻身合夥成厚肆惡應飭携家属數 用絹布母借官制一番蠻防範宜密每歲十月問 Ŧ

旨嘉獎六年二月請設義學於提標五管及城守两營 諭日牧民之官果肯執法懲奸該未有不畏懼者大都褻 猛之不足為貴矣又奏建昌番蠻新隸版籍竊掠時聞 其咎惟在不公不明而不在不嚴也夫法猶治病之藥 取攻疾而已過於峻利則元氣必大傷知乎此斯知過 玩之生率由日久懈弛有意縱捨所致故禁令之弗行 兵二十得 臣飭擒嚴懲又省城設防火堆棚三十每营救火 Z 卷二百

諭口義學一事各省提鎮及駐防将軍等往往以此奏請 文墨猶思荷戈執及甘為前驅乎勢必漸染日久流為 能須俊秀者方可夫以少年聰顏之資既習禮儀稍通 汝意專以崇文為善奉數子弟讀書一道非魯銀者所 朕俱未准行従來文武並為國家羅用不可偏有重軽 興文之良策實乃廢武之岐途譬循驅鄉塾生童教習 中所餘無非魯鈍一流欲求干城之選豈可得哉是非 次是四事全書 人 数定八旗通志 怯懦将來俊秀者咸不愿為兵而亦不能為兵矣營伍

諭與其機宜妥協會四川雷波土司楊明義陰助陸氏誘 已何必思及分外創新立異始為美談耶三月奏報為 更謬凡事但宜隨地隨時斟酌損益期於辦理無誤 實益之舉将馬用之至云營伍錢糧冊籍之人查對因 此之故而令闔營俊秀子弟皆至文武两相廢棄記 樽盾徒誤其文而已武亦莫能就也似此邀虚名而無 将弁援勒 蒙米貼苗婦陸氏不法傷雲南兵已檄永寧遵義

諭 記廷桂 皆總兵張耀祖會劉九月軍至拉密擒明義并獲 諭口首惡張魁陸續被擒朕嘉悦覽馬撫鄉餘孽無涉軽 率詳慎為之專奏結覺賊首雙尺阿魯賊首魯佩及阿 こ・11:1 1:1 日覧奏斬獲情形何啻徹人七獲禽獸倘兵退仍復如 桂及鍾琪請劉明義 附近結覺阿魯阿照平底等苗封糧陸氏就擒廷 造謀人早租及匪目業姑物租等 不羅賊首覺過均就擒斬截近萬 ■/ 欽定八旗通志

上天垂庇 諭日此番底定之功仰荷 聞十二月確里密賊首利耶為我軍職勢阿都苗擒獻其 一故将如之何亦豈有盡行殺戮不留噍類之理乎當詳 祖錫佑魚賴汝等提鎮大臣及将弁兵丁胥能効忠奮 思善於措置之道為要十月奏勒附近黄鄉之確里家 **反四年全書 酋阿必阿騙苗亦就撫七年正月廷桂奏軍事竣** 等處枝夷底定後併力前除阿都及阿驢報 卷二百五

諭口楚蜀各土司中惟容美最為富強縁自前明官吏玩 一古番俗苗情歷歷如繪絲毫無隱朕甚嘉之惟善後一著 勇之所致也朕深為嘉悦尋玩陳苗疆地方情形得 大吏應曉以大義漸令革除若據濫給委牌科斂絲花 愒 最為要務殚心竭力共相善酌必得良策庶其永寧四 とこう 三 弛縱遂致越分借禮相沿成習迄今尚未改也地方 月奏湖北容美土司田是如遣土遊擊至四川建 始縣界徵花絲銀已咨湖北首撫提首查完 /1 J... 手

諭口借軽信證言苦虐衆兵一語遂欲俸免結黨挾制之 古瞻對雖微亦不可輕視凡事縣以敬慎處之七月奏太 其嚴飭田是如矣汝等慮其起畏不遽根究之意甚是 等款即坐以狂悖之罪似属太過已密諭楚督邁柱令 金月四月日言 罪豈可得乎類兹刀風不宜滋長當嚴查為首者重懲 職 平營都司都見信說虐兵致合營交甲求退請革 尋奏籌剿瞻對賊蠻得 卷二百

諭曰此奏識見殊属庸愚之至所謂守突與之獎燭未仰 東足可量 · 動定八旗通志 故所關匪淺汝其會同惡德速将金竹坪白蠟山等處 凡出産銅鉛礦母緊行封禁嚴加防範稍有奉行不力 開採各處流亡無籍之徒勢必羣相趋赴萬一釀生事 諸夷攘疇交錯弟宜示以静鎮胡可與起利端若聽民 天庭而親白日者也雷波黄鄉一帯地方與新撫涼山 示做却見若仍留本营勢不相安另揀賢員調補十 月請開採黃鄉等處銅鉛資鼓鑄 主ー

聖訓得 **肯向後一切事宜務須詳慎為要率爾之見何可瀆陳朕** 慎十二月奏緝獲妖言逆犯楊大銘等十九人并檄 思原非率兩則已之才識實属不速可知愈當加勉詳 覽所奏倘亦如汝遽即見諸施行竟至滋擾地方其害 曷勝枚舉豈引咎頌聖數語所堪了結者如云曾経審 脱至紛紜黃廷桂慝德之身家性命未足以償厥辜也 廷桂奏謝 卷二百五 酉

諭口朕非有過人技能但較汝等克誠克公耳凡人為 諭口此事最宜詳慎勿偶無知弁員憑威迫脇激出事端 勉公與誠斯為對症之藥嗣酉陽改土歸流十二月奏 己利害是非之心切則遇事接物動軟有過不及之失 朕意或係奸匪捏詞妄供希圖推卸亦未可定料該土 てこうも 司未必有此事也八年正月奏楊七果獲於楊監啃並 陽土司獻首惡楊七 非 酉陽境内 <u>}.</u> / 銀定八旗通志

特增設四川總督即以廷桂補授無管提替印務六月請 上以 一百官兵之奮勇争先汝之調度合宜深為可嘉據鄂爾泰 亦有川省将領此番勞效較勝滇省張耀祖遠甚之奏 金分四周石量 勉旃九年三月大軍劉噶爾丹策凌 川陕地廣又理軍需總督一員難控 處恢復永善得 川省常平倉捐穀改銀数数悉照雲貴現行例 裸賊滋事調兵戦克金鎖關墨鐵關黃草坪等 卷二百 ħ. 制

諭日務期一奉戡定以收永遠綏靖之功母得潦草結局 諭曰川省乃産米之鄉籌畫積貯尚易為力該督撫遽請 開 属悖謬但通省倉服止有四十餘萬石為數太少著另 大三日三 以克當矣十二月捷奏至奉 之患設不能奮勉立效以贖前怒二罪併罰恐汝等難 今賊者敢於猖獗者皆由汝從前未經料理妥協所遺 捐誤矣且欲改殼作銀又復将銀買殼輾轉滋弊更 增貯十年八月奏遣總兵趙儒劉捕兒斯賊番 11 4.10 致定八旗過志

天佑頻錫豐年豈文武不和各立門户排擒乖争之風所 諭日際茲盈寧之慶當益加凛畏更勉公忠試思川省屢 諭嘉與十一年奏獲大竹縣奸民文興貴文射斗等 上嘉之十三年五月疏報夏熟收成分數 天贶矣亟宜返躬內省倘有不憾於中極力改悔母稍沒 蒙 能感名者耶若因此而自以為是任情肆念殊非所 仰答

一多只口母石章

卷二百五

諭以不動聲色静鎮慎密為要乾隆元年正月西睡軍務 命來京候肯二年補鑑儀使尋署天津鎮總兵三年實 巡六月奏貴州古州逆苗包利枉利漢奸張九萬等糾 C-10 2 111 竣裁四川總督廷桂仍為提督其總督缺後於十 眾陷清溪餘慶等縣四川建昌永寧俱站疆界連 授五年遷古北口提督六年七月 貴州臣飭各員弁加意無緝苗民勿為煽惑 三年復設十二月 致定八旗通志

古嘉英十二年署陝甘總督十三年四月奏練兵三事 諭日古北口為畿輔藩離該提標所属弁兵素稱勁於 金片四周全書 足九月授甘肅巡撫九年跳奏恤孤貧瘗枯骨勤輸 甚嘉之黄廷桂已賞馬二匹著再加恩賞上用緞二 由統領大員董率有方将弁兵丁動於練習所致朕 今因出口行圍親臨簡閱見隊伍整齊技藝娴熟洵 均得 社倉清查監獄開渠灌田及教民種樹紡織各事 卷二百 五

· 語如所請行十二月授两江總督十四年五月號言江 寺院内如式操練又挽強命中最為要技現筋造 七力及十力硬弓教演其弱者不得過六力 滋事臣飭嚴拿完解又各管僅按日輪操南方晴 西俗悍有司因循姑息致不安分之人動報喧開 少雨多轉多間曠臣令於陰雨時擇公所及寬敞 鋒戎纛母許遠迎露積 技藝分三等示激勸一馬步兵逐名考驗一前 ■ 钦定八旗通志

前率属詳查妥辨八月奏奉賢縣奸民李如問等聚衆 前日汝至江西頗知整飭振作但不可欲速而要之以 郵 聞十五年二月加太子少保七月奏赴運河三班集漫 定四庫全書 久可也九月議奏裁併衛所事宜無将漕船少之儀 併入三帮鎮江中帮併入前後两帮共裁守備一 **微衛併入揚州衛金山衛併入鎮海衛揚州四帮** 口撫恤災户 千總四下部議行尋奏立限清查積案報 卷二百五

旨重處示警母姑息十月疏恭江蘇巡撫雅爾哈善於 旨所恭甚是雅爾哈善交部嚴議尋議華職留任十六 嚴肯非巡撫本意其居心更属巧許得 音訓飭忽将知縣許惟枚等十一員特恭送臣會稱畫 た元日里 An alan: 奏銷錢糧奉 結猛将會擾害地方臣筋属擎獲首役各犯得 罰俸令盡請革職人必以為欽奉 題臣查惟枚等経徵未完均不及一分例止停陞 ◆ 欽定八旗通志 重

御製詩賜之曰迎鑾衛警蹕建節久旬宣體我勤民徒 聖駕南巡 命轉輸二十萬石賑淮陽被水州縣 嘉卿率属賢何須張錦帳惟喜閱鱗田細驗剛柔俗 還淳尚勉旃是年調陝甘總督十八年正月調四 周諮豐無年咸中方有慶虚己自無偏此地人文盛 總督八月奏川省歲豐穀賤)1|

御製詩紀其事日全蜀幸逢年教開移栗船不因讀漢 開二十年五月請增鼓鑄為通省修城用 **鉛極溺自應然十二月晋吏部尚書留川督任十九** 堰引灌新都蘆山等十州縣及青神縣道花壩樂 行又有都江大堰灌溉餘各属山田臣令勘修塘 十四人置於法九月疏言川省惟成都府属地平 年二月重慶好民譚二陳現等謀逆廷桂擒首徒 山縣平江鄉三台縣南明鎮悉變膏腴報 ■一 決定八真面志

一致定四库全書 一論日有益地方之事詳妥為之是月晉 · 白如所請二十一年二月奏役前各處調解軍曹之馬 武英殿大學士無管總督事六月打箭爐外孔撒麻 書两土司構蒙金川及綽斯甲布袒麻書革布什 報緊要向派大員管理不若就近責成沿邊提鎮 咱及德爾格成袒孔撒互攻殺廷桂偕提督岳鍾 多不堪用一由口外嚴寒一由弁兵作弊自安西 職的新解散尋調陝甘總督十二月奏言軍管文 8二百五

古嘉與四月 命駐肅州督辨軍需五月奏西北兩路軍營向通商販 提督及哈密防鎮不時就近督催得 稽查将積貯草豆経過馬匹住歌時刻行走應分 後因撤兵禁止今巴里坤軍營一應牛羊等物專 各情形按日呈報臣令標員赴各站查察並安西 都司守俗等官分站專管河州靖逆两副将往來 至哈密経戈壁十餘站飼飲不時致多疲斃現派 ■/ 钦定八旗通志

上允之十一月奏吐魯番回人莽阿里克與厄魯特潜 到け四庫全書 省解到之駝出闊未久若趕赴軍營演撥兵防護 向内地調撥又處張皇現有派赴巴里坤種地兵 五百塔勒納沁種地兵二百即令同往防守再晋 信息臣調安西兵干赴兩處分駐但兵數尚少若 謀叛逆其人在巴里坤哈密貿易者甚多恐暗通 商部議從之十月請設巴里坤理事同知一 由肅州一带販往路遠價昂難資接濟請照舊通 卷二百五

諭曰黃廷桂經理軍務壽畫精詳一切調度甚合機宜 とこの言 大臣能如此明决擔承實心體國深可嘉悅著賞雙 眼孔雀翎并加賞騎都尉世職令其子承襲二十二 實用 緊的收備調但陝省距甘肅路速按站行需五六 已截留安西一带收放其續調馬亦於哈密附近 留牧至馬匹尚須豫籌陝甘两省選得三萬令加 十日請先調來甘分撥加意飼養陸續行走可收 ury ry 女 致定八旗通志

聞尋軍管大臣奏廷桂所解馬依限到且應壮堪用 訓諭之三月奏言臣節次解送出口馬二萬七十五百 金为四月石意 上以廷桂與巴里坤辦事大臣雅爾哈善礼商戰馬 用報 解又出口駝四千二百餘續到者亦隨時解往應 餘統於三月十五日以前全抵巴里坤餘隨後補 事意存推诿 年正月 卷二百五

特命獨免並 諭與其辦理安速交部議敘十月 **处民日至 ~~~~** 諭部議叙十二月奏言甘肅有墊辦軍需銀十萬餘两 古俞允十一月 又續解馬四千無惧 命續解馬八千廷桂奏前自準噶爾脫出之官兵等久 上嘉廷桂賢勞在事各員奮勉 請飭各員自行彌補其半 居邊地關收務請即令解往得 致定八旗通志

吉於直隸山東山西河南陝西購馬一萬由肅州轉 **鉛革職時奉** 賞廷桂銀一萬两二十三年二月奏軍需辨解将效即 諭酌議伊犁駐兵屯田事五月疏泰甘肅布政使武忱 諭與其悉心調劑四月 七千駝五千餘陸續鮮巴里坤 **届春耕請暫停可緩之糧運又豫備正餘馬一** 糧道成德怠玩悮公漠視軍務 卷二百五 一萬

諭曰甘省連年辦理軍需黃廷桂急公集事俱無始悮 著加恩再賞銀一萬两七月奏言臣因西路大軍駐 今歲春夏以來一切轉運糧的復甚妥協深慰朕懷 員勘得夾山路徑騾駝皆可行較由巴里坤路近 籌運糧十萬石於巴里坤 巴里坤備來年進勒之用廷桂酌定飼牧事宜又 庫車糧運甚要聞有自哈密直趙吐魯番之路委

大·山田 lint Little

■/ 欽定八旗通志

野二

諭 古壽庫車阿克蘇等城糧運可否行車臣已委員迅勘 日黃廷桂所奏籌辦庫車糧運一摺甚合機宜若拘 由哈客運軍管回空時将吐魯者糧轉運軍管較 魯番收貯仍俟直督及山陝無臣購駝騾到日均 若俟覆到日始由巴里坤辦運未免稍遲不若先 巴里坤省往返二十餘站 騾留半運巴里坤所貯糧分半竟由哈客運至吐 征運至吐魯番再由彼轉運因捉将哈密現辦車 卷二百五

古購辦牛羊查內地牛羊不習口外水土成羣赶解易 欠三日五 畫朕不惟嘉之且深憐之也是月加少保十二月廷 泥成規以俟查明道路解到駝隻始由巴里坤起運 陷合問奏不勝欣慰黄廷桂身體素弱如此悉心計 即 即能計慮及此請将糧石運貯吐魯番與朕古適相 斃且耕作居期未免難購惟半尚可購四五萬此! 桂奏臣奉 極力償赴已需時日朕正在降古籌辦而黃廷桂 7.1 d.um

諭曰大學士管陝甘總督黃廷桂忠誠素著老成練達 **韶如所議行尋** 金叉で屋る電 即奏到與朕所規畫不約而同者數年以來若非黄 協機宜多有朕所降諭肯尚未到肅而適相船合旋 廷桂 體國奉公不遺餘力安得精詳妥協若此而毫 西無用兵以來雖未身歷行陣而籌辦一切軍需動 撥銀二十萬解阿克蘇買回城米 時口外嚴寒請於來年二月起程接濟軍食又酌

闡 賜所封伯爵號忠勤二十四年正月廷桂以督辦軍需 上命額馴福隆安帶御醫往診視前行而廷桂卒遺號 用彰勞績者由騎都尉晉封三等伯並賞紅寶石帽 頂四團龍補服以示優異尋 不累民內地若無事者然此其功為尤大宜晉崇階 至 抵凉州病劇猶勉視事布政使将炳以 ~ 政定八旗通志

諭口黃廷桂忠誠敏達幹練老成歷任封疆勤勞懋者 動定四年全書 益見體國奉公亦忧罔数不知聲與涕俱難以自禁 是以选加罷錫用彰勞績昨據将炳奏到在凉偶感 即者福隆安前往莫戰賞銀一萬兩交地方官料理 相當确留之際尚拳拳以西師垂故籌辦軍需為愈 驛前往診視以其速痊遽聞溘逝深為震悼覽其遺 風寒力疾視事舊悉增劇即派福隆安帶同御醫馳 西陲用兵以來籌辦軍需事事精詳妥協倚弄方深 卷二百五

慈慶朝儀難並報強酬節物淚雙垂屈指軍典建五年儲 諭 No. 10 and Little 御製輓幹日華發廣樂正陳時把學驚聞辰尾騎 賜祭葵如例諡文襄 途護送 喪事並入祀賢良祠其伯爵即令伊子承襲應得鄉 胥事事合機先 重惟良弱養生福痛惜推心敢問 廷桂靈柩所過地方文武員弁出城真畷并派員沿 典仍著該部察例具奏尋 シン 欽定八旗通志 四十五

皇考時臣所餘幾臭酸然復思愀然廷桂柩至京 天馬利軍行栗販民彌留两事尚諄諄鞠躬盡碎今誠已 金月日母白重 詩曰事繁食少亦星顏易資諄詩的務裁公謹卒官父 上親臨真殿 葛亮而來此一人運籌力疾尚勞心驛館誰為下鵲 鐵賜轉行将歸故里椒漿寫痛定親臨封疆歷三 子感馬光還陝士民哀忍将巫祝先桃朔載共公卿 餘年公正廣明衆共傳 卷二百五

命圖形 御製詩有獨憶儲胥宣力者凱迴未見惜斯人之句尋 御製賛日外任封疆内司編結件理儲骨経權弗訟弹 一追念廷桂 紫光閣 誠盡智事協予心未同凱宴痛惜曷任四十四年 酹王曇奪我良臣一何遽不教留聽凱歌迴二十五 ī 年凱宴成功諸将士 見之 疑在八旗通志 田十六一

兩朝所造就似此誠军遇廷桂孫嘉襄伯爵卒子文爆襲 詩日西無用兵時軍需信要務統勲既罷斥特用就 御製懷舊詩列廷桂於五督臣首 元元 賦遇災仍賬恤入告直陳故可比主吏蕭關中勤 路學畫實盡勞諸事皆弗誤而以民為重後不加 著然而公無私任勞任怨素 輸以此論功勲章服錫異數為政頗尚嚴赫赫名久 現任鑲白旗漢軍副都統嘉弟模歷官湖廣鎮草 库全書 卷二百 £ 供 征 孰

· 知定八旗通志	育不	庭 降監翎侍衛廷桂原襲之雲騎尉世職從弟廷樞	總兵降監制侍衛檢歷官福建巡撫漢軍副都統
8+V		尉世職從弟廷樞	巡撫漢軍副都統

- -

1	C-1015	- Marian san				_
欽定八旗通志卷二百五						金月四年台書
卷二						
百五						卷二百五
						:
ACTION ACTION ACTION						
			727784097			

欽定八旗通志卷二百六 欽定四庫全書 佟國瑶 佟養甲 李日光 泰世楨 人物志八十六 秦里正藍旗一 佟養性 劉人物志八十六 業商遷撫順天命初見 佟養性遼東人先世為滿洲居佟住以地為氏因 佟養性 ■ 、 敗を八海面も 宏

,動養性總理官民俱受節制額馴李永芳及明副将石廷 太宗文皇帝命督造紅衣礟初軍營未備火羯至是礟成 |太祖高皇帝功德日盛傾心輸款為明所覺置之獻潜出 賜尚宗室女號曰西屋裏額馴授三等男六年從克遼陽 |銀定四庫全書 來歸 時漢軍未分旗 鐫曰天祐助威大将軍征行則載以從養性掌馬 晉二等于天聰五年正月

輸諸漢官曰爾衆官如能恪遵約束非僅敬養性是重國 時諭養性口凡漢人事務付爾總理各官分别賢否以聞 上以漢官漸多應養性無以服衆志 蘭相如一将一相以争班位幾成無勇幸相如重視國 |事不念私讐是以令名垂於千祀願爾效之又 · 成親戚故舊陵雜疎遠仇警致負朕委任之意音廣頗 爾亦當弹殿忠忱簡善無惡恤兵無民竭力供職勿私 柱鮑承先等先後來降者與佟氏族人皆為所属 決定人其通私

上督騎兵破之方追奔明潰卒復陣養性承 一追親軍擊敵養性勒漢軍五百從敵望風通明監軍道 征明大軍圍明總兵祖大壽於大凌河養性東方器率 體而欽法令也八月從 漢軍載紅衣礙立營於錦州通衢擊敵城西隅臺 降守臺兵又擊城南隅壞樓堪異日擊東一臺臺 張春與總兵吴襄等赴援大凌河垂夜向城 **地守者宵通進殲之九月明關內兵援錦州**

定四庫全書

一古屯敵管東舉職攻燬敵營十月攻克子章臺職擊臺探! 上幸演武場 上命城中所得館礟鉛樂悉付養性尋率兵攻克馬家湖 上嘉其軍容整肅且以出兵大凌河時能遵 閱兵養性率所轄漢軍試職樣甲列陣 一大足可見白馬 致定八旗通志 臺內兵死者無算十一月祖大壽以大凌河城降 臺自大凌河至廣寧明所置臺墩卷毀之六年正 月

方器有克敵功 初宣諭大凌河投誠各官察哈爾之役 命隨貝勒阿巴泰等留守審陽七月奉 賜雕鞍良馬一白金百两設宴勞之四月 |命恭領延布禄佐領董山移哈爾占所貯糧於鳥蘭哈 親征察哈爾 死有 達延布禄調遣失人遲久不至下廷臣會議罪當 卷二百六

聖恩前鋒恭領圖魯什亦以懲之而全其生為請 諭口倘情有可於則釋之衆皆言法不當宥養性奏曰延 古覆勘 上允二人議延布禄等遂從末減未幾養性卒於官 欠足の事在与 以其子普漢襲爵普漢卒弟六十襲崇德七年隸漢軍 布禄等不留賢員協助而用不更事之人誤也罪 固應死或懲責而曲貸之實惟 正監旗順治初六十屢遇 女定八旗通志

|太祖萬皇帝征明次三公河宏遇同奇遇擊家來歸並以 賜養性諡曰勤恵六十卒子國瑶襲爵自有傳 世祖章皇帝追録舊勲 恩詔晉三等伯仕至本旗都統十三年 劉宏遇遼東人初與其弟奇遇並以諸生隨明總 明邊境兵馬数目及戰守事宜陳奏 兵祖大壽幕下為恭謀天命七年 劉宏遇

齊白金鞍馬尋任工部理事官十月授山西朔州道二年 命大學士范文程等試之謂可任文職遂授宏文院副理 太宗文皇帝崇徳元年宏遇上書自陳乞録用 上遣鄂克兒諭之日得府寧城後當授爾官嗣以明将士 大足可直 Aidis 事官後分漢軍為八旗宏遇隸正監旗順治元年 來降者眾宏遇問居遊陽 四月偕副将侯大節等督兵躺将家必黑草嘴諸 三月以繙譯遼金元三史告成 製定八旗通志

召還七年二月授山西巡撫先是叛鎮姜瓖路大同其黨 金厂工足 賊巢擒斬渠魁孔文嫁等餘黨悉平六年五月裁 安徽巡撫 慶與總督馬國柱會勒英山霍山潜山諸賊連破 搜勒渠寇王貳南等次第就擒復自池州移駐安 土賊蜂起宏遇駐池州的兵守禦分遣鎮将授策 五年程安徽巡撫值叛鎮金聲桓縣擾江右江北 擒斬甚眾五月擢陕西布政使四月考續稱最 0 卷二百六

皇上視民如傷之意不敢不以實陳得 賊未減日需輸報復值二麥未收秋不遇蝗災耕 谷諸邑土賊四出寇掠至是壤伏誅餘黨窟匿山 分據平陽保德寧武代州五臺連結榆林靖邊府 谷宏遇奏請免逋賦甦驛困於恤諸死事家又言 同徵輸獨糧竭蹶以供令尚有保德五臺府谷餘 都邑甫遭兵燹民田荒蕪殆盡前此大兵征伐大 種失望臣承無字之責仰體 題/ 鼓定八旗通志

旨下所司察核宏遇坐罰俸給事中張瑜劾宏遇不請 一古下所司蠲贩尋與總督佟養量總兵剛阿泰協劉五臺 對定四年全書 奏即籍沒解部有 盡十年陝西賊楊茂等竄入平陽遣兵招降之宏 之部者茸太原府陽曲縣學宫修築汾河諸堤會 遇無山西四年建忠烈祠以祀守土諸臣死姜瓖 以逮捕土賊王眼張義國孔朝貴間守福等未入 山贼劉永忠高鼎等於曹家寨攻毀賊巢俘斬略 卷二百六

古降調放授福建督糧道十八年九月卒於官祀山西名 **語甄別督撫吏部以宏遇功少過多請** 古徑行籍沒罪在專擅疏復下所司議再罰俸專奉 灾定四事全馬 禁廷 宦 李幸泰漢軍正監旗人李永芳次子也初名延齡 年十二即入侍 李幸泰 / 銀定八旗通志

太宗文皇帝親征察哈爾朝鮮及明錦州率泰俱從崇德 太祖萬皇帝賜令名年十六以宗室女妻之 賊 都 其衆萬人二年隨豫親王多鐸破流賊於潼關移 防兵平定山東河南橋斬滿家洞賊将趙應元降 馬主 八年隨貝勒阿巴泰征明至山東有勞績済權 李自成尋同都統金碼招撫天津又率寧遠 防錦州四月随客親王多爾衮入山海關破流 4 順治元年正月授刑部泰政無副都統率 副

|記率泰與靖南将軍辰泰同心協謀前往誅劉至則擒斬 長樂連江城邑率泰會辰泰分兵夾擊盡驅出海 賊渠曾慶等及餘黨数萬賊鄭彩連縣数千盤路 年海賊犯福州漳泉諸郡 世職為二等輕車都尉復以考減魚一雲騎尉五 之三年隨端重親王博洛下杭州定福建敘功授 江所過城邑悉撫定惟江陰閉城抗拒督兵攻破 師南征克楊州下江寧分領精兵三百狗蘇州松 -**赴主八選通志**

金白四年全書 賊 城中民相食江西城郭天才偽稱援兵自杉關長 等十一人斬之與化平先是福州為賊困十四 舂 有司收賊遺栗以甦餘民巡按御史周世科大治 會率泰提師抵建寧聞之問道飛檄巡撫使負 驅抵福州駐兵洪塘載米麥江上誘郡民出就食 恢復二縣又統師直入與化生擒偽總督顧世臣 杵釘較之刑拷掠士民恣取財順巨萬率泰白! 乃夜焚洪山橋掠就食者千人以道率泰至命 歐 卷二百六 月 備

一大臣马馬至島 上從之七月坐與大學士辰泰誤增 造工程次第 懲食酷官吏一給滿洲兵丁馬匹草料一酌量管 部侍郎三月授宏文院大學士六月條奏三事一 瓖下保德州擒斬賊黨牛化麟等我功加一雲騎 仍以刑部侍郎魚任副都統事八年閏二月調吏 之巡撫會劾之世科伏誅六年從征大同叛鎮姜 尉先是順治元年更定官制名恭政曰侍郎率泰 致定八旗通志

1前日率泰當永不敘用經器輔臣既保為總督特允所舉 特古晉三等男十年六月以大學士洪承疇薦授两廣總 命削雲騎尉十一月奉 恩詔予襲太温 恩詔加一雲騎尉九年正月以吏部奉 恩語散教復巧飾莊奏罷任降世職為騎都尉尋遇 著改過自新以圖報稱時明桂王朱由楠居安隆其即 督 卷二百

大足口戶在新 李定國擁兵粵西十一年土賊廖篤增等結連定 責會靖南将軍珠瑪喇率禁旅至合兵夾擊破之 兵衆掠婦女千餘口率泰言於諸将盡釋之十三 十二年定國犯粤東率泰領兵禦之敗其将萬文 國為寇率泰遣兵分道進劉陣斬篤增於王版第 彰恤民賴以安方新會被圍時城中糧盡且食人 於新會城下乗勝追逐克復萬州雷州諸郡所至 動定八旗通志

金りい 加太子太保調所聞總督 以浙関重地軍務方殷勅到即無程赴任時逆賊鄭成 泰既在任相度形勢以賊揚帆鼓楫來往無常倘 捕 撫臣劉漢祚動都遊員刻期伐木增造院哨各船 不急整舟師處難擒劉特疏增設水軍三千復與 功抬集亡命嘯聚海濱為江南浙江福建寇害率 劉鄭逆宜離其黨與散其羽異以無佐劉又言 餘為戰樂計十四年招降海寇陳德容並疏言 All Ch

筋所司嚴守芝龍是年飲前破李定國功晉一等男考滿 上悉是其言併 允調直隸山東河南山西江西步兵萬人赴浙防守海 **炎皇四華全島** 由此而通為患滋大 鄭成功之父芝龍不宜流徒寧古塔恐其地近海 副将林翀葉禄等三月奏 會鄭成功犯温郡平陽瑞安俱陷浙東告警率泰 加少保十五年正月招降賊黨偽都督唐邦杰偽 **動定八旗通志**

部分浙開總督為二以都統趙國祚為浙江總督駐温州 職得 泰馳粮會師焚其巨艦干餘賊遁因以舟師圍 福 請調江寧滿洲兵助劉賊退走七月 斌降率泰奏斌優叛状誅於福州城南十六年以 而以率泰總督福建駐福州九月賊據南安嶺窺 會審羅源縣敗逃事不詳完供詞部議瞻狗應革 州城黨陳斌既降復叛率千餘人據羅星塔率 之

古寬免罰俸一年仍戴罪圖功自贖康熙元年正月率泰 青華去世職仍留總督任兵部又追論率泰總督所閩時 文年四年在事 教定八祖過志 擊等官時定海小埕賊衆盤路率泰客會靖南王 兵夾剃賊不能支揚帆遠遁六月招降偽總兵林 楊宣等復於其地墨新城率泰會提臣馬得功 耿繼茂遣兵擊走之又萬安所先經遷毀偽總兵 以漳州為全閩門户奏增設水師二千及副将遊 不能保固封疆應革任復得

與敗繼茂統率大兵航海攻克厦門乗勝取活嶼 金門二島逆賊鄭錦周全斌等勢窮宵遁三年二 兵王進功恭将折光秋夾擊大敗之俘斬甚眾復 平印武将弁三路進劉山賊獲逆渠王鐵佛斬之 伯陳輝等一百三十餘員六一千六百及家属八 俊奇等六十一員兵千餘人二年九月降偽忠靖 未幾海賊五百餘人由梁山突犯內地率泰遣總 百餘人十月招降城将何義魏明等復統建寧延

聖祖仁皇帝優古嘉與下部議敘加秩正一品六月率泰 **飲定四車全書** 銀定八旗過志 巢斬首三千三百餘級偽永安侯王廷等率家属 兵民等三萬餘人出降獲船艦軍械無莫鄭錦僅 六萬餘人納款率泰夜半渡海進拔銅山焚毀賊 五月大兵至八尺門偽威遠将軍翁求多率兵民 月擒斬寧化山賊錢禾四月招降偽總兵林國禄 以疾求罷 以數十般追走臺灣

諭口覽奏知病是實當即允所請但開省投誠官員兵民 最為繁衆著親行安插務使得所事竣日然後來京門 遣兵會勒茶仔畬山寇生擒賊首余角俘斬餘黨 無算四年三月再以疾求能 **躺陣斬賊黨七千有奇招無男婦萬餘人十月别** 猶為餘孽盤踞九月率泰的總兵官劉進忠等進 時間海厦門各島悉已荡平惟南山鎮海佛潭橋 六月遣總兵李長崇等出洋劉賊擒偽總兵張賢

古椒兵與民休息洵為至計惟是将衆兵繁若撤之太縣 上慰留之六月以漳汀二府地甚遼潤奏定守漳道仍駐 **狄定四車全書** 來頓仍異時恐生雾端開省兵馬錢糧專望協的 漳州巡建道仍無轄延平守建道自建寧改駐汀 日久務防難制之勢紅毛夾板船雖已回國然往 則易致驚疑太遲又恐貽患目下當安反側之心 遠窟臺灣奉 州魚轄印武五年正月卒於官遺疏言閩海餘気 金 數定八旗過志

古李率泰原以才能蒙 世祖章皇帝特簡浙開總督自任總督以來克副簡任之 度令以久任嚴雖積勞病殞深可憫則下所司議 意舜力報效劉撫賊寇多建功績且忠清素著正資 加兵部尚書 獲耕漁稍甦殘喘疏上得 海居民遷移內地咸苦失其故業宜暴寬界限俾 倘若外解不周則有意外之虞至數年以來令濱 卷二百 調

予祭葵如典禮諡忠襄明年敘功追贈一等男子正宗襲 钦定四庫全書 在屯聚剛阿泰甫在任即率兵赴懷來逼攀山而 所属之攀山狼窩蔚州所属之三潤辛莊黑山所 兵明年三月至鎮時山西至宣化山賊並起懷來 授九江總兵未任值叛鎮姜瓖作亂改授宣府總 自撫順所來歸及長屢從征伐順治五年十一月 剛阿泰漢軍正藍旗人李永芳第三子也幼隨父 剛阿泰 **数定八旗通志**

命勤易州土寇遣恭将羅胺台等進兵麻黄谷以巨礟 賊首王海等懼悉衆來歸會辛莊賊却桃花堡剛 營遣恭将賴重雅等分兵攻狼窩殪賊甚多攀山 戰我軍奮擊斬馘七十餘賊敗竄追知至黑山設 阿泰移兵疾馳抵蔚州率兵搜山賊糾衆三百拒 其巢復統兵自紫荆國循追牆搜勒至昌平属鎮 **題械三澗等賊聞風就撫五月奉** 伏山監攜職具進攻賊潰伏發悉殲之獲其牲畜 艘

恩諭免死以安反側又言宣鎮營制近議裁併臣思經制 次至四事全馬 銀定八旗過七 盡調赴山西協勒臣思火罷一營必須專設以資 未化請發 三勒山寇共招撫賊首王海等二十三人餘賊一 邊城撫定其衆乃選鎮六月疏言臣任宣鎮两月 因時變通鎮標舊有鎗礟分隸各營本難畫一今 有告設而今可裁者有今宜設而告未立者道在 千三百餘人或隨管收伍或安插歸農尚恐猜超 女、一 」、

賓偽守道張秀等十餘人賊驚潰追擊大獲城下 援勒請於宣属四營内每營抽換戰守步兵各七 訓練庶幾緩急足恃疏並下兵部議行六年九月 **偵賊电聚實村我軍悉銳乗夜襲擊斬偽副将張** 州定襄繁峙五臺山中糾眾犯五臺縣城宣大山 大軍既平姜瓖餘孽張五桂高鼎劉永忠等寬代 十五名演習施放別成一管領以遊擊使之朝夕 西總督佟養量檄剛阿泰率兵援勒十月至代州

東北間道進逼蛮頭岩破之斬偽副将一賊退守 賊聞之懼解圍去我兵躡賊踪凡再敗之高鼎劉 獲偽總兵印餘衆皆降八月滹沱七角諸賊糧盡 崖以上賊失隘驚竄我軍力擊并敗援兵擒五桂 月我軍分路圍勒剛阿泰與右衛副将徐長春由 柏岩塞山隘以自衛張五桂復糾賊赴援我軍攀 五臺之富頭柏岩定裏之滹沱七角諸岩七年正 永忠通入靈邱之曹岩岩據岩險拒守其黨分布

たこの屋ところ

一 欽定八旗通志

金足口居台重 悉平八年二月師旋三月敏功加都督同知先是 自焚其巢而死高鼎妻及其父高來貢就停山砦 部議裁法者駁令宣大總督佟養量核奏尋以調 給移咨督懷主事奏銷户部以援劉兵內有已經 剛 上乃募勇健數十夜半從別徑絙綴援手而登繼 亦降我軍進逼賊砦岩萬數百丈四面悄削不可 以眾軍發職直轟岩門賊駭逸偽總兵董景誼等 阿泰勒賊時以山西省應解宣鎮兵鎮截留散 卷二百六

前音准銷及銷冊上數復不符為户科給事中高辛允所 旨華世忠職勘擬治罪十年九月養量疏言宣鎮懷銀六 文已司戶 A. 萬七千两有奇侵沒非止一人且恐朦混支銷為 **躺在先議汰在後奏奉** 팅 數尚多張世忠出入必由自無所逃其罪前任 任鎮標恭将張世忠胃領侵欺得 劾下養量察審剛阿泰疏劾已陞督標副将之舊 徐兆舉陸元龍扶同銷算罪亦難解今奉 → 金定八旗通志 饟

古數萬懷銀任意侵剋大干法紀及奉諭察審經手人員 |古嚴察須直窮到底臣調審領銀之員役剛阿泰身為主 金少四月分量 涉員役俱令分别嚴行察議議未上剛阿泰劾養量袒 又 抗匿不出殊可痛恨張世忠已經擊問追捉其餘干 併褫華赴省質訊奉 復 護世忠據其委罪安板之詞誣指侵吞抗庇養量 帥 俱抗庇不發侵吞之弊顯然請 劾剛阿泰縣悍欺罔疏並下部察議給事中 巷

甄别督撫大臣解養量任部議剛阿泰逞忽乖張應華職 劫三法司拘犯會鞫 上命户部侍郎覺羅額爾德等赴宣化察審十一年正月 其饟銀支銷有無情弊令新任總督馬鳴珮再審 封疆交章論劾請 廷諫許作梅並以宣府重鎮文武互計恐致貽誤 劾獲奏下部議處會 以世忠未曾胃領剛阿泰未曾侵吞督鎮逞忽互 ■1 紀定八旗通志

彭定四库全建 故即赴督標新任剛阿泰未見領鎮底冊致銷冊 尋奏張世忠具印領支熊即時散給兵丁並無侵 華職母庸再議尋回旗平於家 報應予杖懲疏仍下部核議從之以剛阿泰已經 欺值剛阿泰赴陽和閱兵未及申報及回又未面 不符因初其胃領罪在張世忠目無主即不申不 巴顏漢軍正藍旗人李永芳第五子也天聰八年 卷二百六

古收藏所獲鎗職火樂以備用六月增漢軍四旗為八旗 太宗親征遂退守松山我兵四出追擊巴頹與都統石廷 太宗文皇帝征科爾沁有功復從圍錦州時明總督洪承 襲父三等子爵崇德六年任恭領従 巴顏 月明副将夏承德獻松山城巴顏與石廷柱等奉 柱等運巨碳以從大敗承疇於松山城下七年 轉領兵十三萬來援聞 任正監旗都統八年九月隨鄭親王濟爾 鼓定八旗通志

賜白金五百两二年十一月奉 命即左真兵與右異都統李國翰會定西大将軍和洛輝 多定四库全書 朗等征寧遠拔中後所及前屯衛順治元年二月 澤州路安諸都邑皆下之凱旋 州寇尋同都統葉臣徇直隸饒陽河南懷慶山西 紋寧遠功晉二等子五月同石廷柱統兵劉昌平 於陝西進勒四川三年正月流寇孫守法賀珍等 西安府巴顏與和洛輝夾擊之磁其深始盡賀 夜潛攻克其寨擒斬賊渠獲馬贏無莫五年六月 於商州賊兵二萬據山為陣巴顏與和洛輝督戰 勒黑水峪斬守法降賊衆二千進制流寇一隻虎 奮擊賊衆未戰而走遂追敗之於濠泗河三月收 珍收合餘燼馬步兵約五千列陣山上巴顏登山 流寇追賊至張果老厓賊入山寨我兵掘濠圍之 斬萬餘級復率兵偕副将王平等擊敗延安諸路 珍復并力拒戰巴顏與副都統齊點克圖擊破之

炎定四軍全書

金定八旗通志

賜祭墓如例子釋迦保襲爵 思 詔加至一等伯九年正月卒年三十有三 等伯兩遇 兵發巨職以攻所向皆克八年叙平美壤功晉三 朔 间 又隨英親王阿濟格復左衛隨異親王滿達海復 敏功晉一等子十一月即左翼兵載紅衣職赴大 一計叛鎮姜瓖六年隨客親王多爾衮復渾源州 州汾州及太谷諸縣巴顏在軍中每指麾左翼 卷二百

太宗文皇帝征朝鮮師還以縱掠降民巧言掩飾論罪應 太祖高皇帝時來歸任副都統佟公其第三子也初任佐 命從寬罰贖革佐領奪俘獲三年授吏部副理事官兼任 钦定四車全書 恭領六年隨大兵圍明錦州明援兵自城出戰佟 死 領崇徳元年從 佟岱漢軍正藍旗人先世居佟佳父佟三 佟岱 飲定八旗通志

奪紅衣職佟岱與副都統金維城奮擊卻之七年 都 岱率兵擊敗追至城壕始選其夜明兵犯我**营**欲 攻克太原城二年隨英親王阿濟格勒流賊李自 諸臺堡六月權正藍旗漢軍副都統八年隨鄭親 王征明寧遠拔前屯衛及中後所二城飲功予騎 四月隨鄭親王濟爾哈朗攻克塔山心山及附 於陝西敗之延安追至湖廣獲賊船於富池口 尉世職順治元年同都統葉臣等征山西以職 近

一古故明諸王俱令赴京朝見時湖廣總督羅繡錦未之任 聞因疏言故明鍾祥王朱慈營等皆衰殘廢棄或姑存餘 少年四年,七馬 卸定八湖通志 朝浩荡之仁得 聲桓駐守九江府旋遣兵與聲桓平定南康南昌 英親王征江西至九江班師佟岱與投誠總兵金 喘以彰我 建昌無州袁州等府以所俘獲奏 佟岱哲署湖廣總督三年率兵還京授兵部左侍

宣於衙州進攻寶慶克之聞明桂王朱由榔據武 黃朝宣雄衆數萬也燕子商佟公與有德及副 統藍拜等由水道進據瀘口擊破北岸营追擒朝 即是年秋隨恭順王孔有德征湖南四年自岳州 承允於夕陽橋逐克武岡由椰遊廣西五年十月 進長沙偽總兵王進才等聞風通師次湘潭偽伯 夜發兵疾進敗其東并焚木城又敗其國公 劉

恩詔晉世職至一等輕車都尉無一雲騎尉累遷户部吏 優賽敏功加一雲騎尉六年隨審親王多爾衮討大同叛 处是日言 人 鄭成功陷舟山十三年正月復陷台州時佟此與 部侍郎十一年推浙江福建總督十二年冬海賊 賊 <u>;«</u> 功並三遇 鎮姜瓖敗賊兵於傅家顧又同都統左夢庚擊敗 撫秦世楨不協刻世楨運饟不繼致舟山士卒 兵進拔渾源州及左衛朔州汾州太谷等城飲 女定八旗通志

命新任總督李率泰巡撫陳應泰會同巡按御史王元曦 上 切責其胃功惡禄 佟於解任還京佟公不即行且上疏自敏勒無功 調世植為操江巡撫 察核佟岱與秦世楨挾忽相争貽誤封強情罪 泰等覆奏舟山失陷世楨不能先事宏防咎亦難 ->1-叛降世楨亦刻佟岱不巡問海雖且不循例 欲以巡撫解署自居忽戾相争逞私訴 部 状 駐 率 衢

金ジャ屋

石量

表二百六

恩的所加世職留其軍功所得三等輕車都尉康熙二年 上以所議尚輕的再議革去 とこうこ 佟國印漢軍正藍旗人父佟恒年以驍騎校隨其 卒子佟凝年襲 封 解终此忽争失體人駐杭州不一至海濱實貼誤 降世職一等 佟國印子世德 疆疏下部院確議世楨應降一級調用佟岱應 シン 敏定八旗通志 二十五

上親統大軍進征圍明總督洪承轉於松山敵兵有逐入 太宗文皇帝崇德三年授工部副理事官六年隨審親王 太祖高皇帝天命六年守城中軍陳良策叛執養正投明 あら四年全書 步兵 多爾衮征明圍錦州與都統石廷柱擊敗召洪山 總兵毛文龍恒年亦被執不屈死贈騎都尉世職 從父佟養正守朝鮮界之鎮江城 以弟成年襲尋卒國印襲職 卷二百六:

命同副都統馬光輝等赴錦州督鑄神威職十月隨饒 盡殲其衆七年四月鄭親王濟爾哈朗等圍杏 設量駐兵防守甚密國印同都統李國翰屢擊敗 尋選工部理事官奉 塔 髙橋南三臺者國印與都統劉之源以職攻克之 敵衆克邊臺七又擊敗牆子鎮守兵八年鄭親王 貝 勒阿巴泰征明由黄崖口入邊時明将於沿邊 山國印俱以職擊其城下之敘功加一雲騎尉 山 餘

賜祭葬如例子世德初因國印乞休襲爵尋授恭領東熙 恩語晉爵三等男十二年以疾解任康熙十一年四月卒 欽定四庫全書 右侍郎六年任都察院恭政七年九年三遇 征明寧遠既克中後所進取前屯衛國印以紅衣 勒 十三年權正藍旗漢軍副都統十四年八月隨貝 之順治元年般功晉二等輕車都尉三年雅工部 職擊其城風迴職火傷領下創甚攻城益力卒克 洞 鄂征叛鎮王輔臣於平涼賊衆迎拒世德同 金安八前週点 六

命隨撫遠大将軍圖海規復漢中典安十九年五月卒於 九足可臣 白書 都統海爾圖率兵擊卻之賊復倚山據險列陣世 賊騎百餘賊将優糾求來犯世德率兵五戰皆捷 德率兵直前衝擊破賊陣追斬甚衆十五年同前 復以紅衣職擊毀賊墨殲賊無算尋拾降王輔臣 鋒統領榜占設伏於平涼之南山擒賊負卒擊敗 及其叛黨陳彭等並在事有功十七年 製定八領通志

太宗文皇帝崇德五年任騎校随客親王多爾衮圍 賜祭莫如例子銓襲爵 之六年随鄭親王濟爾哈朗圍明錦州攻克縣駝 戰卻之復擊敗松山步兵及杏山騎兵尋進攻心 錦州敵以千餘騎出城迎犯如壁隨侍衛李國翰 馬如璧遼陽東寧衛人隸正藍旗漢軍 山松山两路堂堡並随都統石廷柱以紅衣破破 馬如璧

指授方畧如壁隨都統巴顏石廷柱等狗塔山路以紅 上親統大軍駐營松山 皆 杏山二城八年復隨鄭親王取中後所及前屯 職攻下附近諸臺七年授佐領隨鄭親王取塔山 明總督洪承疇等合步騎十三萬來援錦州 士出戰如璧同恭政碩詹馳馬陷陣殺敵甚力會 山寨敵兵自十三站垂夜來襲管佐領禧福率甲 以紅衣職攻城有功順治元年敏功予騎都尉 THE PARTY OF THE P 衣

一 我定四庫全書 副都統金維城破之於靖州其衆皆潰奔如壁奮 州如壁由岳州進長沙越衛州屢擊敗其兵復同 成遗黨李錦劉體紙王進才皆附之分據寶慶衛 年随鄭親王征湖南時明桂王朱由柳據武岡自 等擊走偽總兵馬進忠於武昌獲賊船十有一六 力窮追遇伏步戰力竭殁於陣七年遇 自成於陝西追至湖廣屢戰皆捷與恭領劉仲錦 世職無任恭領二年隨英親王阿濟格勒流賊李

太宗文皇帝崇德五年任佐領隨審親王多爾衮圍明錦 世宗憲皇帝時以如璧入祀的忠祠 恩詔於騎都尉加一雲騎尉尋議師晉三等輕車都尉子 灾是日草金馬 追至城下始還尋復擊敗松山步兵杏山騎兵及 州敵騎兵千餘自城中出戰仲錦隨左異兵迎擊 劉仲錦遼陽東寧衛人後隸正監旗漢軍 純徳襲 劉仲錦 數定八旗通志

先昼克之進攻杏山城復以職擊毀城垣二十五 降小喝勒達蘇大喝勒達蘇綽庫禪能吉勒四屯 部克其博和哩諾爾噶勒都里三屯俘獲甚眾招 隨該軍統領阿爾津哈寧阿等征黑龍江呼爾哈 丈城中窘迫遂降敍功予雲騎尉世職八年三月 紅衣職擊其城西城北二十餘丈仲錦率所部兵 日洪山口步兵七年鄭親王濟爾哈朗攻塔山發

賜貂皮白金九月隨大兵征明寧遠以紅衣礙攻克中後 とこうも 六年隨客親王討大同叛鎮姜環復渾源州左衛 兵馬進忠通獲其戰艦十有一五年擢兵部侍郎 及汾州皆以紅衣礙攻城有功七年授山東臨清 流賊李自成於陝西追至湖廣屢擊敗賊衆偽總 統葉臣征山西取太原府旋隨英親王阿濟格勒 大兵既定燕京仲錦任户部理事官無恭領随都 所前吃衛二城較功晉世職為騎都尉順治元年 1.15 ■/ 氨定八旗通志

賜祭如例子芳聲襲 恩的符晉一等輕車都尉無一雲騎尉十年改福建右路 一以仲錦有疾不能任事 解 任還京調治尋平 總兵官加左都督鎮守泉州十一年八月 功晉三等輕車都尉世襲罔替復以考滿並三遇 總兵官加都督同知先是仲錦以征流賊平姜瓖 張朝璘

金万四四百百重

卷二百六

太祖高皇帝征廣寧明巡撫王化貞通去士彦來降天聰 災定四事全島 守備天命七年 張朝璘漢軍正監旗人父士彦明廣寧巡撫中軍 府師次膠州遇敵兵擊敗之八年隨鄭親王濟爾 年任佐領随貝勒阿巴泰征明過北京往攻登州 輕車都尉任兵部理事官順治二年隨豫親王多 哈朗征明攻克中後所前也衛二城晉世職二等 八年授三等輕車都尉旋乞休朝舜襲職崇德七 女定八旗通志

勒黄蜚等敗退旋合兵從水路來犯朝璘同恭領 尋率兵駐防蘇州遇明總兵黃輩等擁東來犯同 德平湖南時明桂王朱由楠據武岡州朝璘與 索爾敏進兵擊之潰獲其船四年隨恭順王孔 副都統吉山擊卻之復同前鋒統領努三率兵追 鐸征江南以紅衣碌攻克楊州府城及江陰縣城! 領烏赫納率兵疾進夜遇明總兵曹志建抚於路 磷督兵擊之敢敗奔入木城朝璘進攻鄉火起 卷二百

有

晉三等男旋授正藍旗漢軍副都統九年两遇 稱職晉一等輕車都尉八年散江南湖南山西 復渾源左衛及朔州汾州太谷等城是年以考满 州府六年隨客親王多爾衮討叛鎮姜瓖於大同 陽縣列五管朝璘同副都統蘭拜等敗之進克沅 木城中城焚敵衆大潰其國公劉承允率衆拒戰 明桂王走靖州其将張先壁據沅州别部衆據點 · 璘偕諸将擊敗之夕陽橋遂克武岡州承允降 功

大記の上上

女定八旗通志

主

命巡撫江西時南昌瑞州當金聲桓叛亂後農田荒無賦 恩語晉一等男十年授都察院左副都御史十三年遷户 上金りて 部 則始馬包荒於熟漸至熟者仍荒非足國恤民 序勸墾則熟者常熟荒者不致久荒若編派起 額多虚巡按御史笪重光請豁免部臣恐有以 作荒情弊請下督撫議朝璘覆奏荒無田畝惟循 侍郎尋奉 南昌瑞州二府新墾荒田四千餘頃應三年後 月間 熟

|古允行十五年以解廣西協的功加兵部尚書街十八年 **東定四事全書** 贖散亡是以前無臣蔡士英僅據右布政使莊應 南昌府屬浮糧下朝磷議朝磷疏言江西自陳友 諒横行徵派明代相沿未改前巡按御史吴赞元 推江西總督康熙二年江西右布政使王庭奏減 而資生聚得 起科其未墾者二千餘項請緊與豁除以勘墾耕 切陳其事部議令確核志贖旋遭金聲桓叛亂志 女 敏定八旗通志

動部察核志書減免尋部臣覆奏浮銀十九萬五千餘两 上命悉與豁除三年朝璘疏言吉安府向食粵鹽相隔 餘 事下所司從之四年以江西總督裁併江南解任 米十四萬九千餘石 元舊額其餘六縣一州浮糧請 志情復出惟武寧縣因陳友諒生身之地未浮宋 會所得故續請減衰瑞二府額徵而未及南昌今 里且有十八灘之險請改食准鹽俾商民交便 卷二百

恩語晉三等伯授副都統子國瑶順治十七年襲伯爵康 史 足口戶 白雪 潘吴三桂反 熙九年權正監旗漢軍副都統十二年十二月逆 佟國瑶漢軍正藍旗人二等子佟養性之孫也養 五年正月補福建總督六年以老疾乞休還京越 性卒子普漢六十遊襲六十於順治初年三遇 十餘年卒子聖鐸襲一等男爵 佟國瑶 一 欽定八旗通志 三十四

聞得 特授國瑶為鄖陽提督往駐防十三年三月襄陽總兵楊 ラいん 湖南鄖陽地界三省山谷阮塞奸民易嘯聚且恐賊 來嘉通吴逆據穀城叛即陽副将洪福應之切 乗問侵犯 餘陣斬首二百餘級賊通走疏 部兵千餘反攻國瑶署國瑶率遊擊杜英佟大年 以健丁三百名奮勇衝擊賊退復來連日格 المالية 卷二百六 鬭 昕

古嘉與下部優般加左都督十四年四月洪福及叛将等 算九月洪復遣衆伏即江两岸以三十餘舟順流 岡又渡江擊賊於南岸連敗之焚其舟械擒斬 南 陣 分五路犯郧西復大败之追剿至泥河口板橋 月四川叛鎮譚洪犯即江北岸洪福等出掠即江 泊琵琶灘進逼即陽運道塞國瑶與将軍喝爾 斬偽副将林雖等七人殺賊兵数百十五年三 相聲援國瑶分兵劉樂敗賊於坪溝黄贩九里 一 文文 其面包 三十五 無

記止削改嶺所敕一等功二十一年六月投福建将軍 欽定四庫全書 嶺 漢無治楊茂勲等率水陸兵大破之於沿江及陡 月 削前功 印十二割牌二十四房縣保康相繼復十八年五 丁難民功加太子少保十七年二月進動楊來嘉 偕噶爾漢等勒賊於與安以日久未下部議盡 福諸逆於房縣擒偽副将以下五十二人獲偽 程運始通敏功加一等十六年七月以捐賞兵

諭日國家設立督撫提鎮原以為民孟喬芳總督陝西李 率泰總督福建能潔已奉公爱民恤士泰聞人至今思 之爾到地方宜恪遵國憲安輯兵民二十二年四月 官下部議駐防四旗應各設協領一員恭領一員 言京口将軍所統每旗協領恭領防禦驍騎校共 防 務不可乏員料理請增協領以下號騎校以上等 十七員令福建駐防每旗止四五員邊海重地軍 樂五員驍騎校五員二十八年八月卒於任 改え、演画き 疏

世祖章皇帝定鼎燕京二年授總兵官街隨貝勒博洛 太宗文皇帝時養甲入直內院理事順治元年從 賜祭葬如例諡忠懲其伯爵以子海福襲 一致定匹 佟養甲遼東人先世為滿洲居佟佳繼遷撫順父 師南征越明年下杭州平福建十月加巡撫廣東 佟拱隨族人養正等來歸後隸漢軍正蓝旗 库全書 佟養甲 ,暑两廣總督事與署提督李成棟率兵定廣東 卷二百六

处已口屋 白言 復與成棟議以南雄韶州两郡連控江楚肇慶為 之籓乃檄總兵葉承恩及副将李仰臣兵進南韶 两粤咽喉梧州為粵西門户宜先撫南韶以通江 印為文書給守者奪門入擒其諸王世子十三人 是時明唐王朱聿鎮弟聿鶴據廣川擁兵聚寇僭 右之接定肇慶以扼两粤之吃取梧州以固肇慶 鋒軍悲用紅帕裹首偽為廣州援兵状以惠潮道 號給武養甲與成棟定患潮二府亟越廣州令前 敏定八旗通志

駐兵僅存百餘人海賊馬元生石壁徐貴相及白 成棟兵進肇慶皆授策劉撫三郡悉平會明閣部 旗賊黃信林芳等窺伺兵力單弱集聚數萬突犯 總督魚任廣東巡撫時標營将士調遣四出廣州 降海上四姓賊首鄭昌四年加兵部尚書街實授 總兵徐國棟取高雷廉瓊四府養甲自駐廣州招 令成棟移兵進劉魁楚等皆遁走遂下梧州分遣 丁魁楚雅明桂王朱由榔自肇慶竄梧州養甲復

廣州養甲督令官兵守陣躬冒矢石扼太平門關 111 忠以平樂海州二郡兵來降即令收定左江右江 **党三水新寧諸邑皆就劉撫明總兵李承志李明** 餘人餘賊通入海尋偕成棟率兵伯增城順德東 外橋梁鼓勵鄉勇力戰殺賊陣斬数百級生擒百 諸路六月招降明趙王裔朱由校及其将李士璉 七月明閣部陳子壯尚書張家王率賊萬餘寇廣 指揮楊可觀将以城為內應養甲何其謀擒斬

決定四車全書

女定八旗通志

古酌用又請移大同兵五千至两廣資防勒其頻年随征 士卒增給資糧以示優恤凡新降将卒才勇者或 復慎簡厲吏請 日復來犯又敗之是時廣州初定監司守令未及 留管訓練或分駐要監餘令歸農會部議徵順治 **鈴授養甲疏請廣東布政使耿獻忠為廣西巡撫** 之督兵守禦成棟亦以兵赴劉焚賊舟賊遁越六 三年額銀四分之一以給餉養甲言專省連遭寇

上 足足口屋 山馬 |古俞允時明桂王朱由柳據桂林两廣人心觀望有潛 一以廣西未定而恭順王孔有徳已奉 繁恐傷民力請罷其役得 雷無二郡珠池每歲例遣官開採養甲以地險費 掠請緩至順治四年為始諸疏並下部議行先是 勒雲南貴州 進攻由榔疏請造弓矢火器備戰具分遣禁旅進 由柳黨屬孫可望入滇點為寇者養甲策遣将士 / 欽定八旗通志 圭九 附

語軍湖南防剿孫可望 特諭養甲悉心安輯两廣所請俟有德疏報再議養甲之 一多万口屋石屋 署兩廣總督也成棟以總兵署兩廣提督率即偕 有院遷怒養甲五年閏四月成棟據南雄叛受由 無两廣意殊不平又索與養甲部将都尚外争功 為廣東提督成棟自負功績以養甲奏授官職不 往既而養甲奏平定學婚成棟功多請實授成棟 柳封爵與江西叛鎮金聲桓互為聲援養甲移書

一次定司奉全事 太宗文皇帝時日花以生員入內院理事 聞贈太子少保底一子入監 予祭葬入祀站忠祠及廣東名官 李日光遼東人 其黨張祥城投之事 **贛州守将策應書為成棟所獲益恨之乃以兵四** 百人知養甲擁至肇慶養甲詈賊不屈成棟密使 李日光 > 致定八旗通志

賜人五户禄漢軍正藍旗順治元年定鼎燕京授日充直 ŗ 賊兵中碌及涿死者無算獲戰艦二十餘六年五 **愈都御史四年加右副都御史街任操江巡撫會** 叛鎮金聲桓蹂躏江西上游告警日光親督官兵 州 隸永平府知府三年遷霸州兵備道既之任授策 汪義遊擊袁誠等迎擊賊艘五年敗賊於彭 牧張儒秀諭降土賊李振字等數百人尋推 小孤山磨盤洲扼剿檄江防同知趙廷臣與恭

命日充攝其事先是安慶府之相城衙山太湖三縣有賊 欠已日至 台馬 舒及余尚鑑斬之大和山小和山等十八寨相繼 路合擊之城眾大潰連拔飛旗桃園等寨獲朱統 **芜遣副将梁大用等攻皖澗寨克之進圍飛旗寨** 凡七日新賊水道賊兵四出衝突日充分兵為四 桓餘黨據險為巢凡二十餘寨時出侵掠十月日 孫余尚鑑者以擁立明宗室朱統绮為名糾金聲 月裁安徽巡撫 ■/ 数定八旗通志

特旨甄别直省督無 加日充兵部尚書是時明魯王舊将張名振優犯鎮江 赤嶺土賊斬賊首張惟良諭降其衆十一年二月 歸順七年加兵部右侍郎十年發兵熟徽州府之 植 山俱列大磯南岸自鎮江至岡山北岸自瓜洲至 瓜洲截切漕艘日芜於鎮江城外檀家洲水淺處 一江口更築新限造木橋以通巡兵往來今圖 木樁深處編木筏環以鐵索大江南北岸及金 Aller 1/2

賜祭葵如例益忠敏立碑墓道 災定四草全書 瓜洲等四營守備率哨船水師更番防禦羣賊潛 匿江中謀寇掠軟為標營偵擊俘斬暴盡十二年 察御史疏言各省賦役有 除直隸文安縣知縣三年行取考選授四川道監 秦世楨廣寧人隸正監旗漢軍順治二年由貢生 八月加太子太保十一月卒 秦世楨 | 欽定八旗通志

古允行四年巡按浙江以審擬叛案輕重两請部議 命復原官六年巡視北城八年以六等甄别臺員世楨列 恩詔裁免而奉行未畫一者請令州縣具冊呈部核定發 巡按江南是年八月疏言臣自淮楊至蘇州察知蠹役 其名入奏無由駁正 刊俾知遵守得 級調用世楨疏辯以巡撫蕭起元不先咨議徑 等尋 卷二百六 降 列

敕督撫司道及府廳州縣母於經制外温設胥役一人並 上是其言如所請時當兵燹之後田畝界址混清者多官 2.10 2 1.15 執為首者數人繫獄待訊因思懲積盡於事後不 害民有勘鞫得實者嚴治其罪而楊州蠹役聚黨 定以年限勿容久充 岩立法使不為蠹請 百五十人宰牲盟誓欲并力合攻訴告之人臣己 為丈量胥役無以舞弊世楨令里長編列魚蘇冊 シン 数定八旗通志

聞通行諸郡又以後銀設櫃之制有司奉行不實請增司 動戶四扇台書 使里長按戶遞傳既輸則填註之違則送縣追比 定數然後開徵又每甲彙列賦額及輸户為深單 植限夏稅五月秋糧九月先給易知單示以科 並區別之又前此州縣徵賦民有逾額輸納者世 新舊互核使業户自相大量贏縮胥復其舊荒坍 以省追呼三者皆先行之蘇州人以為便遂條列 卷二百六 則

記華國寶職下總督馬國柱會同世楨訊治世楨復言江 7 ... J ?? ... 貪婪状 常鎮三府舊有漁户嚴輸公用銀不列正課自國 南素稱澤國民之無田里樹畜者以捕魚資生蘇 官兒疏並下部議行著為令十月初巡撫王國寶 府印封日收簿亦鈴司府印輸户自封投櫃驗數 稽核復請革会點糧長民兑漕運之例改為官收 書之簿别與印單執之将啟櫃封先申牒院司候 1.1 1.1 欽定八旗通志 四日

古下部核議飭禁十年還京遷大理寺寺丞十一年授浙 金月中月全書 -寶為巡撫加徵十倍漁户力不給終年敲扑苦累 無事聽具採捕有事則助守禦疏並議行十二年 名按保甲法以二十五船為一隊責成鎮道議察 沿海漁船往往容匿賊匪宜以時稽核請籍其姓 條列移兵防守增造戰艦精選水師諸要務又以 江巡撫時海賊鄭成功侵據福建窺向浙江世楨 Ð 深請概行禁革得 卷二百六

上命部臣核議部臣以職艦造未逾期漁船採捕一年以 見る日南 人口 各世楨連章入告 免議佟岱復劾世楨不給飲舟山致士卒叛降且 來世楨奏獲越境私市者三十餘人未嘗疏縱子 岱還杭州以戰艦巨磁不速造漁船採捕弗禁止 督佟岱移浙江各營步騎三千率以赴援至是佟 副将巴成功從賊賊遂據舟山先是賊陷漳州總 海賊掠温州台州寧波復聯結賊衆數萬犯舟山 ■/ 銀定八旗通志

命世楨暫管總督事俟李奉泰既至赴新任十三年七月 記佟岱解任以两廣總督李率泰代之 金只正因白重 乃調世楨為操江巡撫代以山西巡撫陳應泰及巡按 薦庸懦之巴成功為副将貽誤重地世楨訴給康 閩方用兵督撫強隊已成恐惧事機請即予更調 逞私状疏並下巡按御史察奏給事中王紀謂浙 御史葉舟察奏世楨無罪佟岱忽戾逞私有據 循例無缺薦雅由提督田雄主議因述佟岱花戾 卷二百六

上復命李奉泰陳應泰會同巡按御史王元曦確核仍如 一九八丁三 葉舟所奏下部議以舟山失陷未及恢復世楨亦 職時世楨年已老尋卒於家 世楨先以京察才力不及議降一級調用至是革 世楨赴任操江會佟公已還京 不能解各應並與處分十四年三月華佟公世職 欽定八旗過志

欽定八旗通志卷二百六 金牙口門人情 卷二百六